

Mai98
Revista de debat



Es huecs d'artifici ath torn der aranés.

Ei susprenent eth discurs triomfaliste que des deth diari **Avui**. (**Aué**) lance er "aparelh Convergent". Com s'enten, qu'es madeishi que hè tres ans en darrèr gessien enes mieis de comunicacion dident qu'er aranés ère en ua situacion critica, ara mos vòlguen hèr a creir qu'er aranés ei en immilhorabla situacion. Poderiem díder que ne en Catalonha existís tant de triomfalisme ath torn dera normalisacion lingüística! Ei de logica pensar, que ne abantes es causes eren tan mau, ne ara son tan ben. Era analisi dera situacion ei plan simple. Convergència non a agut jamès un discors aranesista, donc l'a comprat. Aguest discors abantes critic, ara se dedique a cantar es alabances dera sua gestion en tot autovantàse des d'ua tribuna que semble hèta sonque tada et. Lamentablement en politica aguesta moneda de cambi ei plan correnta, totun, non serie de mès un shinhau de rigor.

Es aranesi, non podem conformàmos damb huecs d'artifici; era situacion dera lengua ei precària maugrat es esfòrci, e com en Catalonha, eth critèri aurie d'èster eth de cercar eth consens entre es politics e era societat civil tar impuls dera lengua; e se ben es formes semblauen anar per aqui, era realitat ei qu'era politica lingüística s'està convertint en ua "tapadera" deth sectarisme Convergent, des d'a on s'alimente un "pesebre" d'acòlits que vòlen patrimonialisar era lengua com ahèr pròpi.

Des d'UA apuaram quinsevolh consens en favor der aranés, totun tà nosati er ahèr lingüistic a estat e serà tostemp un ahèr de tota era gent d'Aran, des de dreita e des d'esquerra. Sonque des d'aquera solidesa arthenheram er objectiu dera normalisacion.

Andòrra installe un ibrid (funicular-telecabina) tà comunicar era estacion d'esquí de Grau Roig. Aguest "funitel" amassarà es pistes d'esquí damb es pòbles d'Encamp e Els Cortals. Aguesta iniciatua dejà plantejada

per Unitat d'Aran enes passades eleccions (non deuïem d'anar tant desencaminadi), contraste damb era precària situacion aranesa ena question de comunicacions damb era estacion de Baqueira Beret.

Aran era unica comarca catalana a on non se rep cap d'ajuda tara empresa agrària. Atau ath mòstre era publicacion "Catalunya rural i agraria". Cau destacar qu'aguestes shifres evidèncien que maugrat eth teoric supòrt de Convergència, i a ua manca de volentat, o de capacitat tà ajudar as nòsti pagesi.

Unitat d'Aran comence eth debat des diuersi àmbits de discusion entath sòn Congrès. Aguesti debats seràn dubèrti tà toti es que i volguen participar. I aurà un calendari de debats que se poderà consultar ena sedença d'UA e es interessats poderàn adreça-se tath telefon :

64 57 91/ 64 23 93.

UA non accepte eth primèr brolhon de pressupòsti presentat per Alcalde de Vielha-Mijaran. Eth pòrtaveu Joan Riu siguec contundent ara ora de manifestar qu'UA non pòt dar supòrt a uns pressupòsti que non vagen orientadi ara reduccion deth deficit. En aguest sentit eth grop municipau d'UA ja renoncièc, en exercici passat, as sòs que percebien per assistència a plens. Serie fòrça possitiu que toti actuèssen damb era madeisha coèrència.

Unitat d'Aran demanarà qu'er Espitau dera Val d'Aran age un aparelh tà hèr mamografies. Dempús de comprovar que i a demores de mès de dus mèsi en Arnau de Vilanova tad aguest servici e que fòrça hemnes der Aran e Ribagòrça son obligades a anar tà França. UA demanarà aguest equipament o un convèni damb França tà solventar aguest problèma.